



10. september 2024

Inatsisartut inerlatsinermut maleruagassaasa § 37 imm. 1 tunngavigalugu matumuuna ukunanga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Mittarfeqarfiit A/S qullersaqarfiani akissarsiat qanoq ineriartorsimappat ingerlatsiviup aktieselskabinngorneraniit?**
 - a. Piffissami tassani sulisut eqimattat sinnerisa akissarsiaat qanoq ineriartorsimappat? (Akissarsiat ineriartorsimameri procentinngorlugit skemanngorlugillu saqqummiuteqqunarput, assersuusiornissamut ersarinnerussammata)
- 2. Mittarfeqarfiit A/S qullersaqarfiani akissarsiat ineriartornerat pisortat ingerlataannut allanut sanilliukkaanni qanoq ineriartorsimappat?**
 - a. Naalakkersuisut isumaqatiginerpaat, Mittarfeqarfiit A/S-imi akissarsiat ineriartornerat pisortat ingerlataannut allanut allaanerussuteqarpallaannginnissaat?
- 3. Naalakkersuisut namminersorlutik oqartussat pigisaanni aktieselskabini aningaasarsiat ineriartornissaannut suna politikkerat?**
- 4. Naalakkersuisut suliamut soqutiginaatilinnik allanik paasissutissiisinnaappat?**

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Ajoraluartumik takusarparput nalinnaaleraluttuinnartoq, pisortat ingerlataanni qullersat akissarsiaasa qaffasippallaarnerat. Tassani ingasammik atuuppoq aktieselskabini pisortanit pigineqartuni.

Uani pingaartuuvoq eqqaamassallugu, akissarsiat qaffasissut taakku kalaallinit akilerneqartussaammata. Taamaattumik tamanna igalassimaarfigineqartariaqarpoq, tamannali taamaappasigani qanittumik qullersat akissarsiaannik isorinnittoqarmat soorlu assersuutigalugu Royal Greenland A/S aamma INI A/S.

Soqutiginantippara, Naalakkersuisut Mittarfeqarfiit A/S-imi akissarsiat annertussusaannut apeqqutinnut akissuteqarnissaat, akissarsiat ineriartornerannut malinnaanissamut iluatinnaateqarmat.

Apeqquteqaatima ullut suliffiusut qulit iluanni akineqarnissaat qilanaaraara.